



**ATA OFISIAL DI INKONTRU
AUDIENSIA ORSAMENTAL DI FY23 Y RIUNION DI KUMITÉ SKULAR DI BOSTON**

kuarta-fera, 16 di Marsu di 2022

Kumité Skular di Boston rializa un audiensia y riunion orsamental di FY23 rimotu dia 16 di Marsu di 2022 ,17:00 na Zoom. Pa mais informason sobri kualker un di kes itens listadus dibaixu, vizita www.bostonpublicschools.org/schoolcommittee, e-mail feedback@bostonpublicschools.org ò tilifona pa o skritóriu di Kumité skular di Boston pa (617) 635-9014.

PRIZENSA

Membrus di kumité skular Presentis: Prizidenti Jeri Robinson; Visi-Prizidenti Michael D. O'Neill; Stephen Alkins; Brandon Cardet-Hernandez; Lorena Lopera; Rafaela Polanco Garcia; Quoc Tran; y Riprizentanti Studantil Xyra Mercer.

Menbrus di Kumité Skular Auzenti: Ninhun.

DUKUMENTUS APREZENTADUS

Ajenda

Karta di Orsamentu Final FY23 di Superintendenti pa Kumité Skular

Tabelas di Orsamentu FY23 atualizadu, 16 di Marsu di 2022

Diklarason di Inpaktu di Ikuidadi di Rikumendason Orsamental FY23

Ata di Riunion: 2 di Marsu di 2022

Subsidius pa Apruvason nun Total di \$707,759

Memurandu di Tenpu di Pagamentu Prurugadu pa Horace Mann In-District Charter Schools

Aprizentason di Prujetus di Riparason Asileradu MSBA

2022 MSBA ARP Diklarason di Inpaktu di Ikuidadi di Interesis

16 di Marsu di 2022

PIDIDU DI ORDI

Prizidenti Jeri Robinson konvoka un riunion y el lidera un juramentu di lieldadi A Sra. Sullivan Txoma psoal. Sr. O'Neill y Sra. Mercer staba auzenti na xamada numinal, ma es djunta a audiencia orsamental en kursu. Tudus kes otus membrus staba prizenti.

Sra. Robinson fla ki riunion di oji di noiti staba ta ser transmitida en dir tu na Zoom. Ta ser ritransmitidu na TV di sidadi di Boston. Tamb  ta ser publikadu na bostonpublicschools.org/schoolcommittee e na YouTube. E anunsiaba ma staba dispuniel sirvisus di interpretason simult nia na spanhol, kriolu haitiano, Kabuverdianu, vietnamita, kanton s, mandarim, e l ngua jestual amerikanu (ASL). int rpretis presenta s s kabesa y es da instrusom na s s l nga nativa sobri modi kes ta asesu interpretasom simult nia atravez di mudansa di kanal Zoom. Dokumentus traduzidus di reunion sta postadu na www.bostonpublicschools.org/schoolcommittee antis di inisio di riunion.

AUDIENCIA ORSAMENTAL di FY23

Diretor finanseru Nate Kuder aprizenta rikumendason final di orsamentu di fundu jeral di Superintendenti pa FY23 na valor di \$1,334,845,508.

  rizumi alterasons rifletidu nes proposta versus rikumendason orsamental preliminar aprizentadu a Komit  Skular a 2 di Fevreru di 2022:

Alterasons na Orsamentus Skular

- Alterasons na konfigurasons skular - K-8s ta konverti pa K-6 (Trotter, King) y Skolas Sikund riu ta adisiona 7^o y 8^o anu (Burke and Brighton High): 1 795 618\$
 - Trotter & King: Rimuvidu salas di aula di 7^o y 8^o anus y puzisons di ensinu spesializadu, riduzidu dutasons di FSM y di Titulu I, ajustadu dutasons di FTE pa psik logus skular. Konsideradu in ku pa tudus kes otu puzison y linhas nau pesual
 - Burke & Brighton: Adisiunadu salas di aula di 7^o y 8^o Anus y puzisons di ensinu spesializadu, aumentadu dutasons di pa FSM, Soft Landing y Titulu I, aumentadu FTE di psik logu skular, adisiunadu FTE di bibliutek riu, aumentadu oferta y substituison di valoris orsamentadu.
 - P.A. Shaw: Ikipa di Superintendenti tanbe sta bai trabadja ku P.A. Shaw pa adisiona 4^o anu pa pr simu anu letivu. Kela inda ka sta rifletidu na orsamentu di skola;   sta atualmenti na rizerva inkuantu nu ta trabadja ku lider skular pa mudifika si programa.
- Madison Park Technical Vocational High School: Lider skular, en kulaburason ku Xefi di Skolas y superintendents skular, disidi limita sis matrikula. Komu rizultadu, sis dutason di WSF diminui na \$586,965. Skolas Publiku di Boston Komit  Skular di Boston Sidadi di Boston Dra. Brenda Cassellius, Superintendenti Jeri Robinson, Prizidenti Michelle Wu, Prizidenti Kanbra

16 di Marsu di 2022

- Implimentason di spanson di Psikólogos Skular, kriandu un rásiu distrital di 1 psikólogo pa kada 500 alunu, kunprindu padrons nasiunal: \$2,334,556 pa un adisiunal di 22 FTE na tudu skolas
- Implimentason di spanson di Bibliuteka y Bibliutekáriu: \$3,588,156 u ki ta riprizenta 33.5 FTE pa 38 skolas
- Disizons di dutason skular rivistu pa Kunité di Rivizon di Orsamentu Skular: Aumenta orsamentus skular individual na \$999,234.
 - Mudansa ki ta afeta txeu skolas rilasiunadu ku munitoris di almosu: atualizason di fórmula FTE di munitori di almosu pa inklui prujesons di 6° Anu. Nu adisiona 15 novus munitoris di almosu a un kustu total di \$139,740.
- Finalizason di disizons di Soft Landing baziadu na skola: Aumenta orsamentus skular individual na \$1,633,412
 - Manutenson di 30 munitoris di almosu na skolas
 - Manti inóku pa King, Trotter, Burke, y Brighton komu parti di spanson di anus 7-12
 - Aumentu di rikizitu di konfurmidadi pa Alunus di Inglés y Idukason Spesial

Nes três árias, orsamentus skular aumenta na un total di \$9,341,217 desdi pruposta orijinal. Nuventa y oitu skolas tevi aumentus na sis orsamentus individual desdi 2 di Fevreru.

Alterason a Orçamentos Centrais

Tevi um série di pequenas alterason a orçamento proposto pa departamentos centrais. Es é di âmbito mais limitado e ta representa transferências entri departamentos centrais e entre tipos di contas dentro di um departamento. Uniku alterason na orsamentus sentral rifletidu na tabelas ta pasa pa adison di pesual sentral di apoiu a investimentu di bibliuteka. 1 FTE foi adisiunadu sentralmenti, un Diretor Asistenti de Servisus di Bibliuteka. Foi tanbe adisiunadu fundus a orsamentu operasiual di servisus di bibliuteka pa kubri taxas di sistema di bibliutekas na tudu skolas. Es alterasons ta totaliza \$346,087 adisiunadu a dipartamentu Akadémiku. Sr. Kuder tanbe orienta ikipa di Finanzas a fazi várius alterason na orsamentus sentral ku bazi na feedback resebedu durante prusesu orsamental. Es alterasons ka sta rifletidu na orsamentu atual, ma es ta bai ser inkurpuradu asin ki ikipa di Finanzas tiver oportunidadi di identifika kustus pontual kompensatóriu ko ta podi ser transfiridu pa otu fonti di finansiamentu.

Kes li ta inklui:

- US\$ 1 Milion en finansiamentu adisiunal pa Divizon di Ikuidadi, Stratéjia e Lakunas di Oportunidadi pa apoia Kourti (Grupu) di Lideransa Stratéjiku Anti-rasista, Prugramason Inuvador Diresiunadu, Konsulturia Pulitiku y Dizenvolvimentu Profisiunal di OAG.

16 di Marsu di 2022

- US\$ 800 Mil en finansiamentu adisiunal pa Gabeti di Rikrutamentu, Kultivu y Diversidadi pa spandi várius inisiativa y pripara proativamenti pa iskasés di pesual privistu pa inpakta inisiu di SY 22-23.

- US\$ 500 Mil pa Dipartamentu di Atletismu spandi si ikipa sentral pa apoia y kordena prugramas atlétiku distrital.

Sr. Kuder gradisi pesual didikadu ki djuda ta dizenvolvi es orsamentu, inkluindu nos lidere skular, konselhus skular, ikipa finanseru y xefis di dipartamentu.

Sra. Robinson pidi Sr. Kuder pe splikaba disizon di limita matrikulas na Madison Park. Sr. Kuder fla ma dipos di várius anu di aumentu di matrikulas, lideransa di skola, en parseria ku lideransa di distritu, toma disizon di stabiliza matrikula na si nivel atual a kurtu prazu. É splika ma, inbora seja un riduson di kel ki BPS tinha insialmenti prujetadu pa skola, ka é un riduson di matrikulas en relason a nivel atual des anu y isensialmenti é ta manti nivel atual di matrikulas dai skola.

Sr. Cardet-Hernandez parabeniza kumunidadi di Shaw School pa si difeza. É purgunta sobri planus di distritu pa futuru konfigurason di skola. Sr. Kuder splika ma dividu a limitasons di spasu, lidere di BPS ta bai mesti ten konversas ku kumunidadi Shaw sobri konfigurason di skola. Konversas debi ta kumesa na Abril.

Sr. Lopera papia sobri ifeitus en kaskata di tumada di disizons y inpaktu na otus kumunidadi skular. Sr. Kuder fla ma aktualmenti Shaw ten un kaminhu garantidu pa Mildred Avenue K-8 School. Pa prósimu otonu, BPS ta bai ajusta prujesons di alunus di Mildred Avenue. Sra. Lopera purgunta sobri futuru involvimentu ku kumunidadi Shaw y skolas prósimu. Sr. Kuder konkorda ma disizons ka podi ser tomadu izuladamenti. É fla ma lidere distrital ta bai involvi ku kumunidadi di Shaw School, asin komu ku otus kumunidadi skular. Sra. Lopera inkuraja lidere distrital a izamina nesesidadis di matrikula di ária jiugráfiku.

Dr. Alkins gradisi lidere distrital pa es aborda priokupasons di instalasons di kumunidadi di Boston Day and Evening Academy.

Sr. Cardet-Hernandez fazi purguntas sklareedor sobri prujesons di matrikula un ves ki es staba rilasiunadu ku pruposta orsamental rivistu, tudu es rispondidu pa pesual. Sr. Kuder splika stratéjia di distritu pa manti skola inóku a midida ki lidere distrital y skular kumesa ta ten konversas difisil sobri kapadidadi. É splika modi ki prujesons di matrikulas ta ser kalkuladu. Sr. Cardet-Hernandez purgunta sobri stratéjias di distritu pa aumenta matrikula. Superintendenti y Sr. Kuder papia sobri garantia di kualidadi di distritu. Sr. O'Neill diskrevi investimentus di distritu ns instalasons komu un stratéjia pró-matrikula.

Dr. Alkins insentiva distritu a komunika ku familias oras ki es garantia di kualidadi stiver dispunivel. Superintendenti fla ma alguns iletentu dja kumesa.

Sigintis pesoa tistimunha sobri rikumendason final di orsamentu pa FY23 di Superintendenti :

16 di Marsu di 2022

- Alunus di Shaw Elementary School aprizenta depoimentus en vidiu.
- Veriador di Distritu 5 Boston City, Ricardo Arroyo, rizidenti na Hyde Park
- Armani Cruz Andujar, rizidenti na Dorchester y alunu di Shaw Elementary School
- Maitte Paulino, rizidenti na Dorchester y alunu di Shaw Elementary School
- Giovanni Christopher, rizidenti na Dorchester y alunu di Shaw Elementary School
- Webens Fils, rizidenti na Mattapan y alunu di Shaw Elementary School
- Sandora Whir, rizidenti na Dorchester y alunu di Shaw Elementary School
- Carl Kirland, rizidenti na Mattapan y alunu di Shaw Elementary School
- Zachary Whyte Corbett, rizidenti na Mattapan y alunu di Shaw Elementary School
- Malik Carr, rizidenti na Dorchester, alunu di Boston Day and Evening Academy y apoianti di Digital Ready
- Eric Rodriguez, rizidenti na Dorchester, alunu di English High School, apoianti di Digital Ready
- Amaj Mays, rizidenti na Dorchester, alunu di Charlestown High School y apoianti di Digital Ready
- Zaria Alves, rizidenti na Dorchester, alunu di Community Academy for Science and Health (CASH), apoianti di Digital Ready
- Isaac Dias, rizidenti na Dorchester, alunu di CASH y apoianti di Digital Ready
- Yajaira Alvarenga rizidenti na East Boston residente, menbru di Sociedad Latina y difensora di justisa ristaorativu
- Sarah Cherry Rice, rizidenti na Jamaica Plain y diretora izikutivu di Digital Ready
- Sanika Forsythe, rizidenti na Texas y apoianti di P. A. Shaw Elementary School
- Michael Heichman, rizidenti na Dorchester y menbru di Boston Education Justice Alliance (BEJA)
- Tom McGuinness, rizidenti na Roslindale y apoianti di P. A. Shaw Elementary School
- Carla Johnson, rizidenti na Roxbury y profesora di P. A. Shaw Elementary School
- Rev. Kevin Peterson, rizidenti na Dorchester y apoianti di P. A. Shaw Elementary School
- Sharon Hinton, rizidenti na Hyde Park y fundadora di Black Teachers Matter
- Edith Bazile, rizidenti na Hyde Park y apoianti di McKinley School
- Ruby Reyes, rizidenti na Dorchester y diretora izikutivu di BEJA

Apruvadu - En vutason numinal, Kunité aprova pa unanimidadi un muson pa adia audiencia orsamental di FY23 y konvoka riunion rigular di Kunité Skular.

APRUVASON DI ATA DI RIUNION

Apruvadu - En vutason numinal, Kunité aprova pa unanimidadi ata di riunion di kuarta-fera, 2 di Marsu di 2022.

RILATÓRIU DI SUPERINTENDENTI

Sima preparadu pa intrega.

Obrigadu, Sinhora Prisidenti, y obligadu pa tudu nhos ki sta ku nós hoji nés noti. Komu nu ten un ajenda ton rubustu y várius seson di riunion es noti, n sta bai aprizenta un verson abreviadu di

16 di Marsu di 2022

nha Rilatóriu normal di Superintendenti. Es noti n sta bai partilha apenas prinsipal atualizasons y n ta spera partilha nos txeu distakis distrital durante riunion di prósimu semana.

N kré kumesa rilatóriu des noti ku un atualizason sobri insidenti profundamenti priokupanti ki kontisi na TechBoston onti di noti. Onti di noti, un grupu di alunus y funsiunárius staba na un autokaru na parki di stasiunamentu di kanpus di TBA, a kaminhu di un djogu pa torsi pa sis kolega. Un suspeitu dispara kontra autokaru rizultandu na ferimentus di un alunu y di un funsiunáriu. Skolas debi ser lugaris siguru pa nos alunus y funsiunárius. N sta ku kurason partidu pa nos alunus y funsiunárius ter pasadu pa es trauma y n sta profundamenti konprumitidu na fazi tudu kel ki nu puder pa apoia kumunidade skular TBA nes mumentu. N sta gratu pur informa ma tantu alunu kuantu menbru di pesual sta ta rikupera y es sufri ferimentus ki ka ta konstitutui risku di vida. N djunta ku Diretora di Skola Nora Vernazza y a Prizidenti di Kanbra Wu pa un riunion ku pesual di TechBoston onti di noti, pa kumesa ta prusesa insidenti. Mi ku Prizidenti di Kanbra Wu nu stevi tanbe na lukal onti di noti y ku pesual otu bes es pal manhan. Nu partilha ma nu sta ta konprumeti tudu rikursus nesesáriu di sidadi y di BPS pa apoia TBA nes mumentu dizafiador. Saúdi y ben-estar di nos alunus y funsiunárius sta entri nos prinsipal priuridadis na BPS. Ka tevi aulas oji y nu tevi konsilherus y otu pesual di saúdi mental y apoiu imusiunal na skola durante todú dia pa alunus y funsiunárius inkuantu es ta prusesa es indidenti. Nu sa ta bai kontinua ta munituriza ben-estar di kumunidade skular y nu sta bai fazi parseria ku Dipartamentu di Pulisia di Boston y konsilherus pa presta apoiu konformi nesesáriu. N kré gradisi a inkrivel pesual di TBA. Es é un kumunidade forti y rizilienti ki pasa pa txeu kuza es anu. Y inda es ta kontinua forti pa nos alunus prontus pa apoia-s di tudu formas nesesáriu. Saúdi mental di nos alunus é inportanti y N lenbra pesual di TBA es pal manhan ma *sis* saúdi mental é igualmenti inportanti. Nu ten ki kuida uns di kes otu. N sta gratu a es y a tudu pesual di BPS ki konparesi durante es periodu difisil. Favor entra en kontaktu si bu mesti di apoiu. Gosi, n ta bai pasa pa alguns otu atualizason rápidu pa es noti.

Dos iten ki nu diskuti é futuro di Shaw school y spasu di sala di aula na Timilty school for Boston Day and Evening Academy (BDEA). Onti, nu invia kartas pa familias di BDEA y di Shaw School informandu es sobri prósimus mudansa na sis kumunidade skular, ki-n ta bai partilha ku nhos li es noti. Nu partilha ku kumunidade BDEA ma BPS sta bai involvi ku kumunidade pa ditermina uzu a longu prazu di idifisiu Timilty. BDEA ta okupa atualmenti kuantu salas di aula y alguns otus skritóriu di spesialidade na skola. BDEA ta bai kontinua ta utiliza es sparus na prósimu anu letivu, pamo inda ka ten planus pa konstruson na prósimu anu. Nu intantu, distritu sa ta plania konsepsion y konstruson di idifisiu pa prósimus anu dipos di nu konklui nos konprumisu ku kumunidade. Na prósimus semana, nu ta bai trabadja ku direson di skola pa restabelesi prusesu fural di identifikason di un novu spasu pa BDEA a partir di Anu Letivu 2023-24, inkuantu nu ta pripara idifisiu Timilty pa konstruson nesesáriu. Onti nu partilha tanbe ku kumunidade skular Shaw ma nu sta ta adisiona na sis skola dos sala di aula di 4° anu komu un disizon di un anu, inkuantu nu ta kria un planu a longu prazu. Nu ta rikunhesi modi ki kes ultimu dos anu foi dizafiador. Nu ta kridita ma inkluzon di 4° anu na prósimu anu ta bai apoia kontinuidade di aprendizajen di nos alunus, au mesmu tenpu ki ta bai da-nu tenpu pa diskuti planiamentu a longu prazu nesesáriu. Nu sa ta plania un riunion di kumunidade na Abril ku kumunidade skular. N kria tanbe partilha ma nu sta na prusesu di apruvason final pa arendamentu EMK di prupriedade Roxbury Prep na Roxbury. Nu ta spera ter finalizadu el na prósimus semana.

16 di Marsu di 2022

Sima nhos debi lenbra, na nos riunion di 26 di Janeru, n anunsia furmason di ikipas di intervencion pa tré di nos skolas: Charlestown High School, Madison Park Technical Vocational High School, y McKinley school. Ikipas foi formadu pa aborda lakunas di dizenpenhu entri alunus y dizenvolvi rikumendason sobri milhuria di ensinu y aprendizajen y operason na skolas. Ikipas teni tré konprumisu kada di BPS y di Boston Teachers Union, asin komu un konprumisu konjuntu. Ikipas di intervencion ta bai analiza dadus sobri oportunitadís y rizultadus di alunus y es ta bai riuni ku alunus y pesual, asin komu ku familias. N teni prazer di informa ma nu anunsia membrus di kes tré ikipa na inisiu des semana y ma es sta prontu pa trabadja. Na prósimus mes, es ta bai aprizenta-n un rilatóriu ku sis rikumendason sobri planus di ason pa infrenta dizafius en kursu na kada skola. N ta gradisi nos parserus di BTU pa es trabadja ku nos pa dizenvolvi membrus di kes ikipa di intervencion y pa sis parseria kontinu.

Atualmenti, nu sta na prusesu di nutifika familias si nhos fidju ta kunpri rikizitu di ilejibilidadi di ten un média minimu di nota B na trabadju di nivel skular na ELA, Matimátika, Siensias y Studus Susial pa ser konsideradu komu parti di grupu di kandidatus, konformi diskritu na Pulitika di Skola di Izamis. Nu ta privé ma tudu familias ta bai ser nutifikadu ti miadus di Marsu. Konvitis di Skola di Izamis ta bai ser inviadu a familias na fin di Abril o inisiu di Maiu. Más infurmason sobri prusesu di atribuison di skola di izamis y krunograma, inkluindu gravason di sesons di infurmason y aprizentason di slides di seson, podi ser atxadu na nos site, www.bostonpublicschools.org/exam.

Skolas Publiku di Boston ten trabadjadu nun stretu kulaburason ku Kumison di Saúdi Publiku di Boston pa rivé dadus en kursu di COVID-19 na nos skolas y na tudu nos sidadi. Kumison di Saúdi riuni na semana pasadu y partilha si konsedju ma BPS podi konsidera suspendi nos mandatu di máskra oras ki sidadi atinji un média di seti dia di serka di 10 kazu di COVID pa 100.000 abitanti. Nu sa ta txiga nes marka. Numeru ten vindu ta diminui konstantimenti; nu ta bai kontinua ta iziji máskras na nos skolas pur inkuantu, inbora familias y pesual debi ta spera ma nu ta suspendi mandatu di máskra na skolas nun futuro mutu prósimu, dadu tendensias. É klaru ma nu ta bai kumunika nos kumunidade kualker atualizason asin ki nu disidi toma mididas ku bazi na orientason di saúdi publiku. Komu lenbreti, tudu alunus y pesual ki xinti más a vontadi ta uza máskras ta bai kontinua ta ser benvindu pa faze-1 y nu ta bai trabadja ku nos lidere skular pa garanti ma nu ta ten ambientis di aprendizajen ki ta akolhi skodjas individual di nos alunus y pesual pa kontinua o diskontinua uzu di máskras ORAS KI nu suspendi mandatu di máskra. Ta bai kontinua ta izisti spetativas pa uzu di máskras na sirkunstansias spisifiku y di akordu ku instrusons di auturidade di saúdi publiku. Intretantu, n kré gradisi tudu algen pa sis sforsus na ultimus mes, kuandu Boston uni pa abranda prupagason di COVID y pa inkuraja tudu pesoas ilejivel a ser vasinadu e riforsadu.

Nu staba intuziasmadu pa spandi asesu di tudu sistema a akadimias di asilerason durante férias di Fevreru. Akadimias di Asilerason é prugramas akadémiku di un semana fora di intervalus tradisiunal di anu letivu akadémiku. A fn di asilera konpetensias di literasia di nos alunus, BPS oferesi 20 oras di un akadimia di asilerason sentradu na literasia ikuitativu ki bazia na temas kulturalmenti relevanti y afirmativu ligadu a padrons y kurikulus di ELA através di lenti di midjora sidadi di Boston. A través di involvimentu na prujetus di aprendizajen kulaburativu, di kontiudu kruzadu y baziadus na prujetus, alunus rializa piskiza através di testu di nau fikson pa invistiga y rispondi a un purgunta isensial ku un risposta skritu y dizenvolvi un prudutu vizual o fiziku pa dimonstra duminu di sis konpetensias y padrons di nivel skular.

16 di Marsu di 2022

Tema pa nos akadimias di asilerason di Fevrueru konsentra na *“Modi ki mi, komu riprizentanti studentil na gabeti di Prizidenti di Kanbra Wu, n ta fazi rikumendasons pulitiku spisifiku pa midjora nos sidadi?”* Nu sta orgulhozu di trabadju di nos alunus y idukadoris pamo es involvi na testus kompleksu di nivel skular kulturalmenti rilevanti y es dizenvolvi prupostas pulitiku inkuantu es ta simulaba sirvi komu riprizentantis studentil na gabeti di Prizidenti di Kanbra Wu. Na inkéritus di saída, nos alunus spresa ma Akadimias di Asilerason foi binéfiku pa es di várius manera, inkluidu manti un rutina rigular duranti semana di férias, prendi sobri kestons inpurtanti y árias di ason na sidadi di Boston y midjora sis kurikulus. Un alunu di terseru anu partilha:, *“Nha speriensia ku Akademia di Asilerason rialmenti djuda-n ta xinti más kunfianti na lé testus dizafiador mi só y na frenti di pesoas y partilha nhas pensamentu sobri es leitura”* Alen di inkéritus a alunus, nu analiza tanbe amostras di trabadjus di alunus di semana. Un alunu di 3° anu di Roger Clap partilha sis pensamentu sobri mudansa di nivel di mar ku Prizidenti di Kanbra Wu y Ikpa di Climate Ready Boston. Imajina ten ouvidu di auturidadi munisipal na terseru anu! Na prósimu fotu, bu ta bai odja alunus di 3° anu na mudelus paredis marinho di idifisiu Channing. Nos alunus é ton talentozu.

Pa alen di akadimias di asilerason pa alunus na anus 3-10, skolas oferese prugramason adisiunal utilizandu fundus identifikadu pa asilerason. Pur izenplu, alguns skola oferese

- Prugramason pa alunus di Pré-K-2,
- otus oferese prugramason diretu pa seniors pa apoia sis kandidatura a fakuldadi y a FAFSA,
- inkuantu otus presta tuturia diretu y apoia nun sforsu pa aumenta notas di kursu.

Au todú, aprosimadamenti 2900 alunu partisipa di akadimias di asilerason y diversus prugramason akadémiku na más di 65 skola. Kuazi 2000 des alunus foi identifikadu komu un alunu multilingi, alunu ku difisiensia ou tudu dos. BPS ta kontinua inpenhadu na prupursiona un speriensia di idukason ikuitativu pa tudu nos alunus. Nos Akadimias di Asilerason di Abril ta bai ser simelhanti a akadimias di Fevrueru, na undi alunus ta bai involvi na aprendizajen baziadu na prujetus di altu interesi, ma ta bai konsentra na prinsipal trabadju di anu na matimátika. N ta bai partilha más infurmasons sobri isu na un prósimu riunion. Pur fin, nu sta intuziasmadu en partilha ma nu ten inda más skolas y alunus prugramadu pa partisipa di akademia di asilerason di Abril y nu ta spera skala y spandi nos inpaktu a midida ki nu ta prendi ku nos implimentason más risenti.

Keli e rilatóriu di nha superintendente pa és noti.

Menbrus di Kunité fazi purguntas sklarisedor sobri Akadimias di Asilerason y protokolus di saúdi y siguransa di COVID, tudu es rispondidu pa Superintendenti y si ikipa. Sra. Robinson insentiva distritu a studa inpaktu di Akadimias di Asilerason na dizenpenhu di alunus. Superintendenti fla ma es ta bai pidiba Gabeti di Dadus y Risponsabilidadadi pa studa inpaktu, observandu ma ta podeba ser difisil di disifra.

D. Alkins purgunta sobri planus di siguransa di distritu pa primavera y veron. Superintendenti Adjuntu di Operasons Sam DePina papia sobri aburdajens y intervensons diresiunadu na stasons MBTA y na oráriu di inisiu y términu di skola.

16 di Marsu di 2022

Sra. Lopera inkuraja komunikason y mensajens stretu y konsistenti entri sidadi, BPS y parserus di kumunidadadi en relason a pulitikas di uzu di máskra. Sra. Robinson fla ma prugramas pa primeru infansia ta sigi diretrizis di MADipartamentu di Idukason y Kuidadus na Primeru Infansia (EEC).

Aprovadu - Na vutason numinal, Kumité aprova pa unanimidadi rilatóriu di Supertendenti.

KUMENTÁRIU DI PUBLIKU EN JERAL

- Sharon Hinton, rizidenti na Hyde Park y fundadora di Black Teachers Matter, tistimunha sobri P.A. Shaw Elementary School y Piskiza di Superintendenti.
- Katie Kersey, rizidenti na West Roxbury y mai di BPS tistimunha a favor di manutenson di mandatu di máskra.
- Christina Hefler, rizidenti na Milton y profesora di UP Academy Dorchester, tistimunha a favor di pruposta di alargamentu di pagamentu di Horace Mann In-District Charter Schools.
- Shery Keleher, rizidenti na Charlestown, tistimunha sobri kualidadi.
- Mary Lee Marra, rizidenti y adivogada na Hyde Park, tistimunha en apoiu a Superintendenti Cassellius.
- Edith Bazile, rizidenti na Hyde Park y adivogada, tistimunha en apoiu a P.A. Shaw Elementary School

PONTUS DI ASON

Dr. Alkins pidi más detalhis sobri Subsidiu pa Planiamentu di Inisiativa di Aprendizajen Sosio-Imusiunal na Skola y Fora di Skola, inkluidu skolas afetadu y partilha di midjoris prátika. Superintendenti fla ma Superintendenti Asistenti di Saúdi y Ben-Estar Jill Carter ta bai da sigimentu ku más infurmasons.

Dr. McCrea sklaresi Sra. Lopera ma subsidius sta vinkuladu a metas di Vizon Stratéjiku. Sr. Kuder fla ma si ikipa sa ta trabadja pa kria un rilatóriu di rizultadus di subsidius ki ta bai ser partilhadu ku Kumité.

Aprovadu - Na vutason numinal, Kumité aprova rikumendason di Superintendenti pa kondededu un prazu alargadu di pagamentu a pesual di sigintis Horace Mann In-District Charter Schools: Boston Green Academy; Dudley Street Neighborhood Charter School; UP Academy Boston; y UP Academy Dorchester. Mr. Cardet-Hernandez abstevi. Tudu kes otu menbru vota sin.

RILATÓRIUS

Prujetus di Riparason Asileradu di Auturidadi di Konstruson di Idifisius Skular di Massachusetts - Direktor Finanseru Adjuntu David Bloom aprizenta prupostas pa sigintis Projetus di Riparason Asileradu(ARP):di Auturidadi di Konstruson di Idifisius Skular di Massachusetts (MSBA):

16 di Marsu di 2022

- Substituitions di kalderas di Burke, Curley, Haley, Warren-Prescott
- Substituitions di tilhadu di Henderson Upper y Ohrenberger
- Substituitions di tilhadus y janelas di English High School

Prujetus ARP ta trata di riparason o substituison di tilhadus, janelas/portas y kalderas nun instalason strukturalmenti solidu. Rikizitus di MSBA pa submison di prujetus é ma kalderas y janelas ta ten nu minimu 35 anu y tilhadusta ten nu minimu 30 anu. Idifisius a sigir ta inkwadra na diretrizis di ARP. Ti es data, BPS y PFD stabelesi un parseria ku MSBA pa konklui 27 prujetu. Ta izisti aktualmenti tré prujetos en konstruson y otus dos ki sta na fazi inisial di prujetu.

Prósimus pasu di Autoridadi di Konstruson di Idifisius Skular di Massachusetts:

- Kamara Munisipal y Kumité Skular vota pa aprova inui di Diklarason di Interesi a MSBA
- ARP SOIs ta ser submetidu a MSBA ti 25 di Marsu di 2022
- Core SOIs ta ser submetidu a MSBA ti 28 di Abril di 2022, nu ta bai ritorna a Konselhu
- Veron-Otonu di 2022 MSBA ta analiza SOIs submetidu di tudu Commonwealth
- Na fin di otonu di 2022/inisiu di invernu di 2023, MSBA ta bai toma disizons sobri submisons ARP y Core SOI

Sr. Cardet-Hernandez sulisita un lista kompletu di skolas kualifikadu pa apoiu MSBA. É inkuraja distritu a uza feramenta di planiamentu di ikuidadi rasial. Xefi di Operasons, Indira Alvarez, konkorda na kunpanha, akrisentandu ma ikipa di instalasons garanti un furnisedor pa rializa un avaliasion abranjenti di kondisons di instalasons ki ivalentementi ta bai kaba pa ser partilhadu publikamenti.

Dr. Alkins purgunta sobri prusesu pa skolas kandidata a riparasons. Sr. Bloom papia sobri prusesu di fazi riparasons na instalasons uzandu orsamentu di kapital BPS vs prujetus MSBA.

Sra. Polanco Garcia sulisita infurmasons sobri idifisius skular ki foi riparadu através di MSBA desdi 2015. Sr. Bloom konkorda na da sigimentu a infurmason. Sr. Bloom fla ma si ikipa ta bai ritorna a Kumité ku infurmasons sobri Prujetus Sentral di MSBA prupostu, ki é prujetus ki ta involvi riparasons istensivu, rinuvasons, akrésimus/ rinuvasons y konstruson di novus skolas.

Sra. Lopera fazi purguntas sklarisedor sobri modi ki prujetus ta ser silesiunadu y priurizadu. É sulisita un lista di skolas ki ta kualifika pa apoiu MSBA. É infatiza inpurtansia di planiamentu di instalasons a longu prazu. Konpriendi ma ta izisti un nesesidadi ton anplu na nos instalasons. Sr. Bloom rispondi, splikandu ma MSBA ta iziji un konpromisu di 20 anu ku idifisiu pa rienbolsus.

Sr. O'Neill ditalha kes kuartu prinsipal formas pa kual BPS ta paga pa instalasons: orsamentu di manutenson di BPS, orsamentu di kapital di sidadi; Rienbolsu di MSBA pa prujetos sentral (novus konstruson y reformas substansial) y rienbolsu di MSBA pa prujetus di riparason asileradu. janelas, kalderas di tilhadu. É splika ma Kumité Skular ta stabelesi priuridadi pa distritu y ta dilega Superintendenti risponsabilidadi di toma disizons sobri milhurias na instalasons, avaliandu el dipos na kunprimentu di kes metas. Sr. O'Neill sulisita un lista di prujetus pendentu di MSBA. Sr. Bloom konkorda na da sigimentu a infurmason.

16 di Marsu di 2022

Sr. Cardet-Hernandez papia sobri kestons rilasiunadu ku instalasons ki sta interligadu. É purgunta kuandu ki avaliason di kondisons di instalasons ta bai staba dispunivel. Sra. Alvarez stima ma ta bai leba entri 12-18 mes pa rializa avaliason. Superintendenti papia sobri dizafiis di manutenson di instalasons di distritu, más di metadi konstruidu antis di Sigundu Guera Mundial. É izorta sidadi a fazi un investimentu substansial na instalasons skular. É fla ma Prizidenti di Kamara Wu asumi un konprumisu verbal di atendi a nesesidadis di instalasons.

Atualizason di Kumité di Piskiza di Superintendenti - Sra. Lopera, ki ta ko-prizidi Kumité di Piskiza di Superintendenti djuntu ku Dra. Pam Eddinger y Marcus McNeill, aprizenta un atualizason sobri prusesu di piskiza. Dadu krunograma asileradu di Kumité di Piskiza, Kumité ta plania furnesi atualizasons na kada riunion di Kumité Skular ti konpleta si inkargu. Es rilatórius rigular ta bai inklui atualizasons inpurtanti sobri prusesu, ingajamentu, disizons tomadu y rizultadus.

Na dia 2 di Marsu, Kumité Skular aprova adezon, inkargu y krunograma di Kumité di Piskiza di Superintendenti di novi menbru.

Alen di ko-prizidentis mensiunadu asima, menbrus di Kumité ta inklui:

- Roxi Harvey, mai y lisensiada di BPS y Prizidenti di Konsehu Konsultivu di Pais di Idukason Spesial di Boston (SpedPac)
- Michael O'Neill, lisensiadu di BPS y Visi-Prizidenti di Kumité Skular di Boston
- Dra. Carline Pignato, lisensiadu di BPS y Diretora di Skola na Channing Elementary School
- Gene Roundtree, Superintendenti di Skola Sikundáriu na Skolas Publiku di Boston
- Jessica Tang, Prizidenti di Boston Teachers Union (Sindikatu di Prufesoris di Boston)
- José Valenzuela, pai di BPS, lisensiadu y profesor di Stória na Boston Latin Academy

Sesta-fera, 18 di Marsu, 12:00, é prazu final pa inpreza di piskiza RFP. Ikupa di Rivizon di RFP ta bai rivé y aprizenta Kumité Skular rikumendasons pa apruvason ti inisiu di Abril. Ikupa é konpostu pa Xefi di Kapital Umanu Al Taylor y pa dos riprizenanti di Kumité di Piskiza di Superintendenti, Michael O'Neill y Jose Valenzuela. Jestor di Nigósius di BPS, Naveen Reddy, y si ikupa sa ta furnesi suportu y orientason a prujetu pa garanti ma prusesu di rivizon di RFP ta ser konkluidu di forma ifisienti y en konfirmidadi.

Kumité di Piskiza rializa dos seson rimotu di iskuta kumunitáriu: un seson jeral a 9 di Marsu y un seson di falantis di Spanhol onti, 15 di Marsu. Tinha 471 inskritu a 9 di Marsu y 218 a 15 di Marsu. Numeru di partisipantis ifetivu foi di 352 pa dia 9 y 109 pa dia 15. Na total, sesons atrai más di 650 inskritu y más di 450 partisipantis.

Purguntas orientador ki Kumité sa ta pidi pesoas pa rispondi é:

- *Kal ki é kes três kualidadi o speriensia más inpurtanti ki nos prósimu Superintendenti debi ten?*
- *Ki purgunta ki más bu ta gostaba pa un kandidatu a kargu rispondeba?*
- *Modi ki prósimu superintendenti podi fazi parseria ku kumunidadi pa ten susesu?*

16 di Marsu di 2022

Vidius y konversas des sesons ta ser postadu na pájina di Piskiza di Superintendenti: bostonpublicschools.org/supt-search. Ti es tardi, Kumité risebi 36 mensajens através di si e-mail spisifiku: superintendentsearch@bostonpublicschools.org. Un inkéritu online ki sta traduzidu pa tudu prinsipal linguas di BPS sta dispunivel na bostonpublicschools.org/supt-search. A partir di 13:00 di oji, foi inviadu 231 rispostas.

Kumité di Piskiza sa ta bai rializa dos seson adisiunal rimotu di iskuta: un fórun di alunas na Kinta-fera, 24 di Marsu, di 18:00 ti 20:00 y seson jeral di iskuta sábadu, dia 2 di Abril, di 10:00 ti 12:00 ko-organizadu pa Konsilha di Sidadi di Boston Julia Mejia, Prizidenti di Kumité di Idukason di Konsehu. Tudus dos seson ta bai ten interpretason simultaniu au vivu na tudu linguas di BPS. Inskrisons sta dispunivel na bostonpublicschools.org/supt-search.

Kumité ta bai rakodji y sintetiza tudu kumentáriu, ta bai djobi temas y ta bai partilha-s ku kumunidadi na inisiu di Abril. Es kontributu ta bai djuda ta informa diskrison di trabadju y, en ultimu analizi, kandidatus ki é konsideradu.

A 6 di Abril, Kumité Skular ta bai vota na diskrison di trabadju di Superintendenti y ta bai imiti un konviti pa kandidatus kualifikadu. Na Abril y Maiu, impreza di piskiza ta bai konklui primeru virifikason inisial y antisidentis di kandidatus. Kumité di Piskiza ta bai analiza inskrisons y ta bai silesiona kandidatus pa intrivista en seson izikutivu, di modu a prizerva konfidensialidadi di kandidatus. Dipos di rondas di intrivistas, Kumité di Piskiza ta bai silesiona finalistas pa aprizentason publiku. Na Junhu, Kumité Skular ta bai anuncia kandidatus final y ta bai rializa intrivistas publiku. Kumité Skular ta bai inton vota na un kandidatu pa oferesi kargu di Superintendenti. Sra. Lopera fla ma futuruz atualizason di Kumité di Piskiza pa Kumité Skular ta bai inklui atualizasons sobri disizons tomadu y rizultadus. É gradisi menbrus di Kumité di Piskiza y pesual di BPS pa sis trabadju.

Sr. Cardet-Hernandez purgunta si ta bai ser ajendadu sesons adisiunal di iskuta ku organizasons parseru. Sra. Lopera inkuraja organizasons parseru a rializa sis própriu seson y partilha feedback ku Kumité di Piskiza.

Dr. Alkins sujiri ki metas di Kumité Skular divia staba alinhadu ku feedback di kumunidadi.

Sra. Robinson purgunta modi ki feedback di kumunidadi ta bai ser uzadu. Sra. Lopera papia sobri feedback ki ta prupursiona un oportunidadi nau só pa preni kel ki umunidadi kré na un lider, ma tanbe undi ki distritu ten spasu pa milhurias.

Sr. O'Neill rifleti sobri alguns di temas ki surji di kes dos primeru seson di iskuta, sima inpurtansia di silesiona un superintendenti ki teni speriensia na sala di aula. É fla ma txeu pais na seson di lingua spanhol labanta priokupasons sobri transporti, kondisons di instalasons y servisus di alimentason - kondisons ki ta kuloka alunas na puzison di preni.

16 di Marsu di 2022

KUMENTÁRIU PUBLIKU SOBRI RELATORIUS

Ninhun.

NOVU NEGOSIU

Ninhun

ADISIONA À SESON EZEKUTIVU

Aprovadu - Pa volta di 21:25 Kunité vota unanimementi, pa vutason numinal, adia pa un seson izikutivu ku finalidadi di konduzi un seson stratéjiku en preparason pa nigusiasons ku Boston Teachers Union (Sindikatu di Profesoris di Boston). Sra. Robinson anunsia ma Kunité ka sta bai voltaba pa seson publiku.

Atestadu:



Elizabeth Sullivan
Sikretária Izekutiva